

Mametlelo ya Karolo 25 ya Molaotheo

Komiti ya Tebosešwa ya Molaotheo (CRC ya Tshwaraganelwa) e tshwere ditheetso tsa setšhaba mo diporofenseng tsotlhe tsa Aforika Borwa ka 2018. Mosola wa go tshwara dikopano tse tsa botlhe ke go bona ditshwaelo tsa setšhaba ka ga Mametlelo ya Karolo 25 ya Molaotheo.



Mo nakong ya ditheetso tseno, go ne ga botswa dipotso tse di latelang go tsosolosa ditshwaelo tse di nang le bokao go tswa go baagi:

- **A Karolo 25 ya Molaotheo e kgoreletsa kamogolefatshe ntle le tlhapisadiatla?**
- **O ka rata go bona diphetogo dife fa go tsenngwatirisong Karolo 25 ya Molaotheo ka tlhomamo?**

Go diragetse eng morago ga ditheetso tsa setšhaba tsa 2018?

CRC ya Tshwaraganelwa e kopantse pegelo le go e tlhagisa go Kokoano Bosetšhaba (NA). Pegelo e ne e tlhagisa dintlhakgolo tse di latelang go tswa go ditshwaelo tsa baagi:

- Gona le go nna mong lefatshe mo nageng go go sa lekalekaneng e bile go sa tlhamalala.
- Tshireletsego ya paka ya badiri ba dipolase, le bahiri ba polase mmogo le bao ba nnang mo lefatsheng leo le laolwang ke Terasete e tshwanetse go netefadiwang.
- Bonweenwee, le tekanyetsokabo e e sa lekanang ya tlhabololo ya lefatshe., mmogo le tshaelo ya bokgoni mo pusong di kailwe e le dikgoreletsi tsa tsamaiso ya tlhabololo ya lefatshe.
- Puso e lopilwe go tlhama togamaano e e tlhamaletseng ya kabo lefatshe jalo go mekamekana le ditshiamololelo tsa nako e e fetileng.
- Molaotheo o tshwanetse go kaya ka botlalo gore kamogolefatshe ntle le tlhapisadiatla ke itlhophelo e e mo molaong ya tebosešwa ya lefatshe.



Ke mang a tshwanelang go tsayakarolo mme jang?

Batho, mekgatlho le makoko otlhe a a nang le kgatlhego e bile a amega a lalediwa go tsayakarolo ka go:

Romela ditlhagiso tse di kwadilweng go Komiti Namaosatshwere ka ga Karolo 25 ya Molaotheo. Ditlhagiso di tshwanetse go romelwa go mokwaledi wa Komiti Namaosatshwere, Rre Vhonani Ramaano ka 29 Tlhakole 2020.

Aterese: 3rd floor, 90 Plein Street, Cape Town, 8000

Imeili: section25@parliament.gov.za

WhatsApp: 081 410 5932

Go tsenela ditheetso tsa setšhaba:

Ditheetso tsa setšhaba di tla tshwarwa mo diporofenseng tsotlhe go tloga ka 28 Tlhakole 2020 mo didikeng di le mmalwa le dimmasepalakgolo go ralala naga.

Go bona tshedimosetso go feta ka ga ditlhagiso le ditheetso tsa setšhaba tse di ka ga Molaotlhomo, o ka ikgolaganya le Mokwaledi wa Komiti Namaosatshwere ka ga Karolo 25 ya Molaotheo, Rre Vhonani Ramaano go:

Mogala: (021) 403 3820

Mosokelatsebeng: 083 709 8427

Imeili: vramaano@parliament.gov.za



PARLIAMENT
OF THE REPUBLIC OF SOUTH AFRICA


Setswana



PARLIAMENT
OF THE REPUBLIC OF SOUTH AFRICA



MAMETLELO YA KAROLO 25 YA MOLAOTHEO



parliamentofrsa

MAMETLELO YA KAROLO 25 YA MOLAO THEO

Ditshwaelo tse di tlhageletseng segolo mo pakeng ya ditheetso tsa setšhaba ke dife?

Ditheetso tsa setšhaba di digetswe ka dintlhakgolo tse pedi di emeng kgatlhanong.

Ntlha ya pele ke gore Karolo 25 ke sekogoletsi go kamogolefatshe ntle le tlhapisadiatla, mme e tlhoka go fetolwa. Sentlente, Dikarolo 25 (1), 25 (2) (b) le 25(3) di supilwe di na le bothata. Ditlamelo di bonwe di sireletsa ditshwanelo tsa thoto e e bonweng ka motsi wa bokoloniale le tlhalele.

Ntlha ya bobedi ke gore Molaotheo o setse o letlelela kamogolefatshe ntle tlhapisadiatla. Ntlha eno e tshegediwa ke Karolo (2) (a), eo e buang gore thoto e ka amogiwa fela go latela molao wa tiragatsokakaretso ya tiro ya setšhaba.

Bao ba leng kgatlhanong le phetolo ya Karolo 25 ba tswelotsepele go atlanegisa gore Palamente e busetsemorago Molao wa Kamogolefatshe (63 wa 1975), e bo e letlelela Molaotlhomokakangwa wa Kamogolefatshe go o tsamaisammogo le Karolo 25.

Dikatlanegiso tsa gajaana tsa CRC Tshwaraganelwa ke dife?

Katlanegiso 1:
Karolo 25 ya Molaotheo e tshwanetse go fetolwa mme e tlhamalale ka ga go amoga lefatshe le thoto ntle le tlhapisadiatla. Seno se tla samagana le diphoso tsa hisetori tsa go tseelwa lefatshe, le go netefatsa phitlhelelo e e sa kgokgontsheng go lefatshe jalo go natlafatsa bontsi ba Maaforikaborwa.

Katlengiso 2:
Palamente e tshwanetse go tlhama mokgwa, ka bonako, wa go tsenya diphetolo tse di tlhokegang go karolo e e maleba ya Karolo 25 ya Molaotheo.

Katlengiso 3:
Palamente e tshwanetse go tlhagisa, tsamaisa le go fetisa Mametlelo ya Molaotlhommo wa Molaotheo pele ga Palamente ya Temokerasi ya bo5 e ya bokhutlhong jalo go letlelela kamogolefatshe ntle le tlhapisadiatla.

Palamente ya bo6 ya gajaana e mekameknane le go konosetsa diphetogo tse di atlanegisitsweng.

Maikaelelo a Molaotlhommo

Karolwana 2 (b)
Letlelela kgotlhatshkelo go tsaya tshwetso gore ga gona tlhapisadiatla fa lefatshe kgotsa thoto e amogiwa go tlhabolola lefatshe.

Karolwana 3
Baya maemo le mabaka a a tshwanelang go elwatlhoko fa kgotlhatshkelo e tsaya tshwetso e e mabapi le bokana jwa tlhapisadiatla.

Karolwana 3A
Go tshwanetse ga fetisiwa molao wa bosetšhaba o o kayang maemo ao kgotlhatshkelo e tshwanetseng go fitlha go kamogolefatshe kgotsa thoto ntle le tlhapisadiatla sk. Molaotlhommo wa Kamogolefatshe.

Gore Palamente e tshwara ditheetso tsa setšhaba gape?

Palamente ka taolelo ya Molaotheo e tshwanetse go netefatsa gore baagi ba tsayakarolo mo ditsamaisong tsotlhe tsa yona, go tsenyeletsa go dira melao.

Go tsweledisa taolelo eno, Komiti ya Namaosatshwere e laletsa maloko otlhe a a nang le kgatlhego e bile a amegile, ka bongwe ka bongwe kgotsa ka thulaganyo, go tsaya karolo mo Mametlelelong ya Molaotheo ya bo18, jaaka e amana le Karolo 25.

Komiti e tla sekaseka ditshwaelo tsa baagi tsotlhe ka ga phetolo ya Molaotheo gore NA e fetise Molaotlhommo.

Go tla diragala eng morago ga ditheetso tsa setšhaba?

Komiti ya Namaosatshwere e tla busetsa Molaotlhommo go NA morago ga go sekaseka ditshwaelo tsa baagi tsotlhe. Maloko a NA a tla bouta go Mametlelelo ya Molaotheo ya bo18. Fa NA fetisa Mametlelelo ya bo18, Molaotlhommo o tla romelwa go Khansela ya Bosetšhaba ya Diporofense (NCOP) gore go buisanelwe ka Molaotlhommo ke diporofense. Fa molao o fetisiwa, o tla letlelela kamogolefatshe le thoto ntle le tlhapisadiatla.

“Palamente ya Batho ya Bokgaratli e e ikarabelang, eo e reetsang baagi”

E tlhagisitswe ke Kgaolo ya Tshegetso ya Motheo ya Kgwebo: Public Education Office • Palamente ya Batho ya Bokgaratli e e ikarabelang, eo e reetsang baagi • www.parliament.gov.za • P.O Box 15, Cape Town, 8000 • Mogala: (021) 403 3341